

LAPORAN JET PEJUANG UNTUK TUDM KE KABINET

KUALA LUMPUR, Selasa — Laporan lengkap mengenai jet pejuang Skyhawk A-4 McDonnell Douglas dan Corsair A-7, Perbadanan Vought untuk Tentera Udara Diraja Malaysia (TUDM) telah dikemukakan kepada Kabinet.

Sumber-sumber memberitahu hari ini, laporan tersebut untuk dikaji dan dipilih oleh Kabinet, bagaimanapun, tidak menjelaskan dengan nyata pilihan Kementerian Pertahanan.

ia hanya mengandungi data-data penilaian dan syor mengenai kedua jenis pesawat yang dibuat oleh Panglima Tentera Udara, Datuk Mohamad Tajb dan pegawai-pegawainya.

Difahamkan, laporan tersebut terdahulu dari ini telah dikemukakan kepada Majlis Menteri di Kementerian Pertahanan untuk penilaian dan syor terakhir kepada Kabinet.

Butir-butir mengenai pertimbangan dibuat oleh Perdana Menteri Datuk Seri Dr. Mahathir Mohamad, yang juga Menteri Pertahanan dan Timbalannya, Abang Abu Bakar Mustaffa serta Panglima-panglima Angkatan Tentera, tidak dapat diperolehi.

Bagaimanapun,

sumber-sumber memberitahu, majlis tersebut membincangkan dengan teliti implikasi membeli kedua-dua jenis pesawat itu.

Pesawat jenis Corsair, tanpa sistem udara dan senjata, berharga antara \$9 juta hingga \$13 juta sebuah, berbanding harga sebuah pesawat Skyhawk kira-kira \$8 juta.

Bahan asal dari Arkib
Negara Malaysia